

Na osnovu člana 68 Zakona o organizovanju organa uprave u Federaciji BiH ("*Službene novine FBiH*" broj: 35/05) i Programa utroška sredstava Budžeta Zeničko-dobojskog kantona za poticaje u poljoprivredi u 2015. godini broj:02-14-10613/15 od 05.05.2015. godine, Ministar Ministarstva za poljoprivredu, šumarstvo i vodoprivredu donosi:

## **U P U T S T V O**

### **O POTICANJU POLJOPRIVREDNE PROIZVODNJE**

Ovim uputstvom propisuju se uslovi koje moraju ispuniti fizička i pravna lica za ostvarivanje prava na poticaje u poljoprivrednoj proizvodnji, te vrste i obim poljoprivredne proizvodnje koja se potiče iz sredstava budžeta Kantona za 2015. godinu.

Podržavaju se slijedeće poljoprivredne proizvodnje:

1. Uzgoj brojlera,
2. Podrška za držanje koka nosilja,
3. Podrška za registrirane farme muznih grla,
4. Podrška za registrovanu ovčarsku ili kozju proizvodnju,
5. Podrška za registrovanu svinjogojsku proizvodnju,
6. Podrška u finansiranju mliječnih kartona
7. Proizvodnju presadnica povrća,
8. Proizvodnju povrća i cvijeća u plastenicima i staklenicima,
9. Proizvodnja maline i kupine,
10. Proizvodnju plantažne borovnice,
11. Proizvodnju gljiva,
12. Proizvodnju merkantilnog krompira,
13. Zasnivanje zasada maline, kupine, američke borovnice, aronije, brusnice, ribizle i vinove loze,
14. Zasnivanje zasada voća-visokostablašica,
15. Podrška prerađivačima mlijeka sa područja ZE-DO kantona,
16. Podrška prerađivačima pilećeg mesa,
17. Podrška otkupljivačima svježeg kravljeg mlijeka,
18. Podrška otkupljivačima za otkup svježeg voća i povrća,
19. Podrška za otkup jagodičastog voća,
20. Podrška otkupljivačima jagodičastog voća koji vrše zamrzavanje,
21. Podrška za nabavku mehanizacije za poljoprivredu,
22. Podrška za nabavku plastenika,
23. Podrška stručnim srednjim poljoprivrednim školama,
24. Podrška za ujednačen razvoj poljoprivrede na području ZE-DO kantona,
25. Finansiranje sajмова i izložbi,
26. Finansiranje i štampanje edukativnog i propagandnog materijala iz oblasti poljoprivrede te nabavka repromaterijala za IPS.

## OPĆE ODREDBE

Svi zahtjevi za podršku podnose se na protokol Zeničko-dobojskog kantona, a može i putem općinskih službi nadležnih za poslove iz oblasti poljoprivrede.

Također, ako nije drugačije određeno u posebnim odredbama, ovo uputstvo primjenjuje se na sve zahtjeve zaprimljene jedan dan nakon objavljivanja istog na službenoj web stranici Zeničko-dobojskog kantona.

### **Svaki zahtjev mora sadržavati:**

- **ime i prezime podnosioca zahtjeva,**
- **JMBG ili ID za pravna lica,**
- **Broj RPG ili RK,**
- **tačnu adresu ili sjedište,**
- **kontakt telefon,**
- **broj lične/potpis od strane podnosioca zahtjeva,**
- **podatke o vrsti i količini proizvodnje koja se kandidira za dodjelu poticaja.**

Oblik i sadržaj obrazaca potrebnih za aplikaciju zahtjeva propisuje Kantonalno ministarstvo.

Općinska služba nadležna za poslove poljoprivrede dužna je provjeriti ispravnost i kompletnost dokumentacije, te poduzeti aktivnosti u svrhu eventualnih ispravljanja nepravilno popunjenih zahtjeva, ili upotpunjavanja nekompletne dokumentacije.

Ukoliko zahtjev koji je dostavljen Ministarstvu za poljoprivredu, šumarstvo i vodoprivredu sadrži nepotpunu dokumentaciju, ili je obrazac zahtjeva popunjen bez obvezujućih podataka, isti će se smatrati neispravnim.

Kantonalni poticaj ne mogu ostvariti pravna i fizička lica koja prema podacima Ministarstva za poljoprivredu, šumarstvo i vodoprivredu, po bilo kojem osnovu imaju neizmirenih obaveza prema Kantonu.

Kantonalni poticaj ne mogu ostvariti pravna i fizička lica koja nisu upisana u Registar poljoprivrednih gazdinstava ili Registar klijenata od općinske službe prema mjestu prebivališta (fizička lica) ili prema sjedištu (pravna lica).

Pravo na ostvarenje podrške imaju korisnici koji su ostvarili poljoprivrednu proizvodnju ili poljoprivrednu djelatnost na teritoriji Zeničko-dobojskog kantona i imaju stalno mjesto prebivališta, odnosno za pravna lica sjedište na području Zeničko-dobojskog kantona.

Aplikanti u istom vremenskom periodu za jednu proizvodnju, a za isti koeficijent osnovice za podršku neke proizvodnje ili aktivnosti ne mogu ostvariti podršku sa dva različita nivoa uprave ili po dva osnova.

Ministarstvo zadržava pravo da u slučaju postojanja osnovane sumnje na nepravilnosti u prijavama klijenata, obavi poseban uviđaj i kontrolu kod istih.

Ukoliko Ministarstvo i nakon ostvarene podrške utvrdi da je ista ostvarena temeljem protuzakonitih radnji, ili suprotno odredbama ovoga uputstva, ima pravo tražiti povrat isplaćenih sredstava i o tome će sačiniti posebno rješenje

## POSEBNE ODREDBE

### A/1 ANIMALNA PROIZVODNJA

#### I UZGOJ BROJLERA

Pravo na premiju za uzgoj brojlera imaju uzgajivači koji na teritoriji Zeničko-dobojskog kantona imaju registriran obrt za proizvodnju brojlera, kao i druga pravna lica registrirana za tu vrstu djelatnosti, te usele najmanje 5.000 komada brojlera u turnusu i imaju zasnovan kooperantski odnos sa registriranim otkupljivačem brojlera.

Turnus brojlera podrazumijeva jednovremeni početak i jednovremeni završetak tova jedinki iste starosne dobi.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta.

Premija se obračunava na osnovu broja utovljenih-plasiranih brojlera za turnuse tova završene od 01.01.2015. do 31.8.2015. godine i obračunava se za sve turnuse odjednom.

Ovlašteni službenici dužni su obići mjesto proizvodnje u barem jednoj fazi proizvodnje i sačiniti zapisnik o utvrđenom stanju.

Datum plasmana brojlera prema računu/otpremnici, ili nekom drugom dokumentu koji dokazuje plasman brojlera, smatra se završetkom proizvodnje.

#### **Koeficijent za obračun premije je 0,08 KM/utovljeni brojler**

Maksimalan iznos premije po jednom subjektu je:

- a) 20.000 KM za subjekte koji imaju dva 2 ili više propisno prijavljena radnika.
- b) 10.000 KM za subjekte koji imaju jednog propisno prijavljenog radnika.

U broj prijavljenih radnika uračunava se i podnosilac zahtjeva – vlasnik obrta.

#### **Potrebna dokumentacija:**

Za ostvarivanje prava kantonalnom ministarstvu se dostavlja slijedeća dokumentacija:

1. Zahtjev taksiran sa 3 KM kantonalne administrativne takse,
2. Dokazi o nabavci jednodnevnih pilića za tov od proizvođača registriranog za proizvodnju jednodnevnih pilića,
3. Ugovor o kooperantskim odnosima – o plasmanu brojlera sa pravnim licem registriranom za preradu brojlerskog mesa,
4. Dokaz o vlasništvu objekta ili Ugovor o zakupu objekta za tov,
5. Računi /otkupni blokovi ili otpremnice o plasmanu brojlera ovjereni od otkupljivača,
6. Ovjerena kopija obavještenja o ID broju,
7. Potvrda iz banke, ne starija od 60 dana, o aktivnom žiro računu korisnika,
8. Kopija Rješenja o registraciji djelatnosti sa opisom poslova,
9. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica),
10. Dokaz o prijavljenim radnicima iz nadležne poreske uprave i ovjerena izjava podnosioca zahtjeva da će postojeći broj radnika zadržati u narednih 12 mjeseci,
11. Dokaz da do 20.9.2015 godine ne postoje prispjele, a neizmirene poreske obaveze.

Za kopije pobrojanih dokumenata podnosilac zahtjeva dužan je ovlaštenom službeniku omogućiti usporedbu sa originalom.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

## II PODRŠKA ZA DRŽANJE KOKA NOSILJA

Pravo na podršku za držanje koka nosilja imaju proizvođači koji na teritoriji Zeničko-dobojskog kantona imaju registriran obrt za proizvodnju konzumnih jaja, kao i druga pravna lica registrirana za tu vrstu djelatnosti, te imaju najmanje 1.500 komada koka nosilja u proizvodnji useljenih u skladu sa standardima peradarske proizvodnje.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta.

Podrška se obračunava na osnovu broja pilenki koje se nalaze u fazi nošenja jaja na dan podnošenja zahtjeva. Od ovog broja izuzimaju se pilenke koje su useljene prije 31. augusta prethodne godine.

Ovlašteni službenici dužni su sačiniti zapisnik o utvrđivanju proizvodnje najkasnije 30 dana po zaprimanju zahtjeva.

Datum useljenja pilenki u proizvodnu halu prema računu o nabavci pilenki smatra se datumom početka proizvodnje.

Ukoliko podnosilac zahtjeva proizvodni ciklus započinje nabavkom jednodnevnih pilića, onda mora imati interni knjigovodstveni dokaz o preseljenju pilenki iz faze uzgoja 18-nedeljnih pilenki u fazu koka nesilica.

### **Koeficijent za obračun premije je 1,00 KM/pilenka**

Maksimalan iznos premije po jednom subjektu je:

- a) 20.000 KM za subjekte koji imaju dva 2 ili više propisno prijavljena radnika.
- b) 10.000 KM za subjekte koji imaju jednog propisno prijavljenog radnika.

U broj prijavljenih radnika uračunava se i podnosilac zahtjeva – vlasnik.

Za ostvarivanje prava kantonalnom ministarstvu se dostavlja slijedeća dokumentacija:

1. Zahtjev taksiran sa 3 KM kantonalne administrativne takse,
2. Dokazi o nabavci pilenki ili jednodnevnih pilića od proizvođača registriranog za proizvodnju pilenki,
3. Dokaz o vlasništvu objekta ili Ugovor o zakupu objekta za peradarsku proizvodnju,
4. Ovjerena kopija obavještenja o ID broju,
5. Potvrda iz banke, ne starija od 60 dana, o aktivnom žiro računu korisnika,
6. Rješenje o registraciji djelatnosti sa opisom poslova,
7. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica),
8. Dokaz da do 20.9.2015 godine ne postoje prispjele a neizmirene poreske obaveze,
9. Dokaz o prijavljenim radnicima iz nadležne poreske uprave, i ovjerena izjava podnosioca zahtjeva da će postojeći broj radnika zadržati u narednih 12 mjeseci.

Za kopije pobrojanih dokumenata podnosilac zahtjeva dužan je ovlaštenom službeniku omogućiti usporedbu sa originalom.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

### III PODRŠKA ZA REGISTRIRANE FARME KRAVA

Pravo na podršku za registrirane farme krava imaju proizvođači koji na teritoriji Zeničko-dobojskog kantona imaju registriran obrt za proizvodnju kravljeg mlijeka, kao i druga pravna lica registrirana za tu vrstu djelatnosti.

Proizvođač mora u vrijeme podnošenja zahtjeva imati najmanje 5 muznih grla u fazi laktacije/muže obuhvaćene veterinarskim nadzorom za koji mora imati validan dokaz – mlječni karton ili potvrdu o provedenim mjerama.

Ovlašteni službenici dužni su sačiniti zapisnik o utvrđivanju proizvodnje najkasnije 30 dana po zaprimanju zahtjeva.

Grla moraju biti obilježena u skladu sa pravilnikom o obilježavanju životinja, a za ista vlasnik mora imati pasoše izdate od strane Agencije za obilježavanje životinja.

#### **Koeficijent za obračun premije je 400,00 KM/muznom grlu**

Maksimalan iznos premije po jednom subjektu je:

- c) 25.000 KM za subjekte koji imaju dva 2 ili više propisno prijavljena radnika,
- d) 15.000 KM za subjekte koji imaju jednog propisno prijavljenog radnika.

U broj prijavljenih radnika uračunava se i podnosilac zahtjeva – vlasnik.

Za ostvarivanje prava kantonalnom ministarstvu se dostavlja slijedeća dokumentacija:

1. Zahtjev taksiran sa 3 KM kantonalne administrativne takse,
2. Kopija obavještenja o ID broju,
3. Kopija Rješenja o registraciji djelatnosti sa opisom poslova,
4. Potvrda iz banke, ne starija od 60 dana, o aktivnom žiro računu korisnika,
5. Kopija dokumenta koji dokazuje ispitivanje na zarazne bolesti,
6. Kopije pasoša grla,
7. Dokaz da do 20.9.2015 godine ne postoje prispjele, a neizmirene poreske obaveze,
8. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica).
9. Dokaz o prijavljenim radnicima iz nadležne poreske uprave, i ovjerena izjava podnosioca zahtjeva da će postojeći broj radnika zadržati u narednih 12 mjeseci.

Za kopije pobrojanih dokumenata podnosilac zahtjeva dužan je ovlaštenom službeniku omogućiti usporedbu sa originalom.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

### IV PODRŠKA ZA REGISTRIRANU OVČARSKU I KOZJU PROIZVODNJU

Pravo na podršku za registriranu ovčarsku i kozju proizvodnju imaju proizvođači koji na teritoriji Zeničko-dobojskog kantona imaju registriran obrt za proizvodnju ovčijeg/kozjeg mlijeka, mesa ili vune kao i druga pravna lica registrirana za tu vrstu djelatnosti.

Korisnik podrške mora biti evidentiran u bazi podataka Agromediterranskog zavoda u Mostaru zaključno sa 31.12.2014.godine i mora biti u sistemu federalnih novčanih podrški za držanje

rasplodnih ovaca u prethodne dvije kalendarske godine za redom sa minimalnom osnovom za podršku od 100 odraslih grla.

Ukoliko je obrt registriran u tekućoj godini, onda se uputa iz prethodne rečenice odnosi na vlasnika obrta.

Vlasnik obrta sačinjit će pismo namjere sa posebnim osvrtom o vrsti i obimu proizvodnje kojom se bavi i kojom se i dalje namjerava baviti, broju zaposlenih, daljim ulaganjima i drugim detaljima koje vlasnik obrta smatra važnim.

Vlasnik obrta dužan je uz pismo namjere priložiti izjavu kojom se obavezuje da će svoj obrt zadržati najmanje još dvije godine od dana podnošenja zahtjeva i da će zadržati postojeći obim proizvodnje.

Ministarstvo zadržava pravo da traži povrat novčanih sredstava dodjeljenih na ime ove podrške ukoliko vlasnik obrta u naredne dvije godine od dana podnošenja zahtjeva ugasi obrt ili mu promjeni naziv i ID broj i u tom slučaju donijeti će posebno rješenje.

Ovlašteni službenici će sačiniti zapisnik o utvrđivanju činjeničnog stanja nakon isteka roka za dostavljanje dokumentacije, a prije sačinjavanja prijedloga zaključka za isplatu.

Osnovica za dodijelu podrške je 2.000 KM/obrt

Za ostvarivanje prava kantonalnom ministarstvu se dostavlja slijedeća dokumentacija:

1. Zahtjev taksiran sa 3 KM kantonalne administrativne takse,
2. Pismo namjere,
3. Ovjerena izjava da će obrt i proizvodnju zadržati najmanje dvije godine,
4. Kopija obavještenja o ID broju,
5. Kopija Rješenja o registraciji djelatnosti sa opisom poslova,
6. Potvrda iz banke, ne starija od 60 dana, o aktivnom žiro računu korisnika,
7. Dokaz da do 20.9.2015 godine ne postoje prispjele, a neizmirene poreske obaveze,
8. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica).

Za kopije pobrojanih dokumenata podnosilac zahtjeva dužan je ovlaštenom službeniku omogućiti usporedbu sa originalom.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

## V

### PODRŠKA ZA REGISTRIRANU SVINJOGOJSKU PROIZVODNJU

Pravo na podršku za registriranu svinjogojsku proizvodnju imaju proizvođači koji na teritoriji Zeničko-dobojskog kantona imaju registriran obrt za proizvodnju svinjskog mesa ili živih prasadi za otkup kao i druga pravna lica registrirana za tu vrstu djelatnosti.

Korisnik podrške mora biti evidentiran u bazi podataka Agromediterranskog zavoda u Mostaru zaključno sa 31.12.2014.godine i mora biti u sistemu federalnih novčanih podrški za držanje najmanje 10 rasplodnih krmača, ili tovnih prasadi u turnusu od 20 grla u prethodne dvije kalendarske godine za redom.

Ukoliko je obrt registriran u tekućoj godini, onda se prethodna odredba odnosi na vlasnika obrta.

Vlasnik obrta sačinjit će pismo namjere sa posebnim osvrtom o vrsti i obimu proizvodnje kojom se bavi i kojom se i dalje namjerava baviti, broju zaposlenih, daljim ulaganjima i drugim detaljima koje vlasnik obrta smatra važnim.

Vlasnik obrta dužan je uz pismo namjere priložiti izjavu kojom se obavezuje da će svoj obrt zadržati najmanje još dvije godine od dana podnošenja zahtjeva i da će zadržati postojeći obim proizvodnje.

Ministarstvo zadržava pravo da traži povrat novčanih sredstava dodijeljenih na ime ove podrške ukoliko vlasnik obrta u naredne dvije godine ugasi obrt ili mu promjeni naziv i ID broj, i u tom slučaju donijeti će posebno rješenje

Ovlašteni službenici će sačiniti zapisnik o utvrđivanju činjeničnog stanja nakon isteka roka za dostavljanje dokumentacije, a prije sačinjavanja prijedloga zaključka za isplatu.

Osnovica za dodijelu podrške je 2.000 KM/obrt

Za ostvarivanje prava kantonalnom ministarstvu se dostavlja slijedeća dokumentacija:

1. Zahtjev taksiran sa 3 KM kantonalne administrativne takse,
2. Pismo namjere,
3. Ovjereni izjava da će obrt i proizvodnju zadržati najmanje dvije godine,
4. Kopija obavještenja o ID broju,
5. Kopija Rješenja o registraciji djelatnosti sa opisom poslova,
6. Potvrda iz banke, ne starija od 60 dana, o aktivnom žiro računu korisnika,
7. Dokaz da do 20.9.2015 godine ne postoje prispjele, a neizmirene poreske obaveze,
8. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica).

Za kopije pobrojanih dokumenata podnosilac zahtjeva dužan je ovlaštenom službeniku omogućiti usporedbu sa originalom.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

## VI PODRŠKA U FINANSIRANJU MLIJEČNIH KARTONA (POTVRDA O PROVEDENIM OBAVEZIM MJERAMA)

Sufinansiraju se provedene obavezne mjere za krave u laktaciji sa 20 KM/grlu, kod proizvođača koji su u sistemu otkupa mlijeka ili su registrovani za preradu mlijeka u vlastitom domaćinstvu.

Sufinansiraju se mliječni kartoni/Potvrda o provedenim obaveznim mjerama za krave u laktaciji sa 20 KM/grlo.

Dijagnostičko ispitivanje/vakcinaciju obavljati će Veterinarske stanice sa područja Zeničko-dobojskog kantona.

Pravo na sufinansiranje ostvarivati će proizvođači preko Veterinarskih stanica, koje su dužne dostaviti slijedeću dokumentaciju:

1. Zahtjev taksiran sa 3KM kantonalne administrativne takse,
2. Priznanica – račun, o obavljenoj usluzi sa imenom i prezimenom proizvođača,
3. Laboratorijski nalaz, pojedinačno za svakog proizvođača,
4. Kopija Potvrde o provedenim obaveznim mjerama, ( Prilog V. Naredbe o mjerama kontrole zaraznih i parazitarne bolesti životinja i njihovom provođenju u 2015. godini (*“Službeni glasnik BiH” broj: 24/15 od 23.03.2015. godine*) i kopiju obrazca o provedenim mjerama tuberkulinizacije,
5. Kopiju Ugovora sa otkupljivačem za 2015. godinu,
6. Rješenje o registrovanoj preradi mlijeka, tj. Veterinarski kontrolni broj (*dostavljati samo za proizvođače mlijeka koji imaju registrovanu i preradu mlijeka*).

Iz sredstava Budžeta Zeničko-dobojskog kantona za 2015 godinu finansiraju se mliječni kartoni/ Potvrda o provedenim obaveznim mjerama za drugi i treći kvartala 2015. godine.

**Zahtjevi sa propisanom dokumentacijom dostavljaju se na protokol Zeničko-dobojskog kantona do 15.07.2015. godine za drugi kvartal i do 15.10.2015. godine za treći kvartal.**

## **A/2 BILJNA PROIZVODNJA**

### **VII PROIZVODNJA PRESADNICA POVRĆA**

Premira se registrovana proizvodnja presadnica povrća u iznosu od 0,04 KM po proizvedenoj presadnici. Maksimalna iznos premije je 20.000,00KM po jednom proizvođaču.

Za ostvarivanje prava na podršku korisnik kantonalnom ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Kopija rješenja o upisu u registar proizvođača presadnica poljoprivrednog bilja,
3. Dokaz o razvrstavanju za navedenu djelatnost (služba za statistiku),
4. Uvjerenje o stručnom pregledu nad proizvodnjom,
5. Uvjerenje o zdravstvenom stanju presadnica,
6. Potvrdu nadležne kantonalne porezne uprave da korisnik nema dospjelih, a neizmirenih poreznih obaveza (ne starije od 30 dana),
7. Potvrdu banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

### **VIII PROIZVODNJA POVRĆA I CVIJEĆA U PLASTENICIMA I STAKLENICIMA**

Premija za proizvodnju povrća i/ili cvijeća u plastenicima/staklenicima iznosi 5,00 KM/m<sup>2</sup>. Maksimalan iznos poticaja je 5.000,00 KM po jednom proizvođaču.

Premiju mogu ostvariti proizvođači koji:

- imaju registrovanu poljoprivrednu djelatnost kao osnovnu djelatnost - registrovano po zakonu o obrtu
- imaju plastenike i/ili staklenike na području Zeničko- dobojskog kantona,
- imaju minimalnu površinu plastenika i/ili staklenika 500 m<sup>2</sup>,
- imaju zasnovanu proizvodnju povrća i/ili cvijeća u plastenicima i/ili staklenicima,

Poljoprivredni proizvođači koji organizuju proizvodnju u zakupljenim plastenicima/ staklenicima ili na zakupljenom zemljištu moraju imati zakupljene plastenike/ staklenike locirane na jednom mjestu – jednoj parceli. Plastenici na više lokacija neće se uzimati u obzir ukoliko se radi o ugovoru o zakupu.

Plastenici/staklenici moraju da zadovoljavaju sljedeće uslove:

- Da je visina konstrukcije (svih lukova) na najvišem dijelu minimalno 2 m u odnosu na okolno zemljište;
- Pojedinačni plastenici čija je površina manja od 50m<sup>2</sup> neće se uzimati u obzir za obračun;
- Da su plastenici metalne konstrukcije sa folijom, zatvoreni sa čeonih strana i montiranim vratima za ulazak/izlazak;



Za ostvarivanje prava na podršku poljoprivredni proizvođač kantonalnom ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Uvjerenje nadležne općinske službe da stranka trenutno obavlja samostalnu poljoprivrednu djelatnost ,
3. Potvrda o registraciji samostalne poljoprivredne djelatnosti kao osnovne djelatnosti, registrovano po zakonu o obrtu (Rješenje nadležne općinske službe),
4. Uvjerenje o izmirenim poreskim obavezama (ne starije od 30 dana),
5. Potvrdu banke o otvorenom računu,
6. Listu korištenja sa upisanom površinom plastenika.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

Poljoprivredna stručna služba će provjeriti priloženu dokumentaciju, registar poljoprivrednih gazdinstava i na terenu provjeriti površinu prijavljenih plastenika.

## **IX PROIZVODNJA MALINE I KUPINE**

Podršku za proizvodnju maline mogu ostvariti proizvođači maline čije se parcele nalaze na području Zeničko-dobojskog kantona i imaju sklopljen ugovor sa otkupljivačem/prerađivačem na području FBiH. Podrška za proizvođače maline iznosi 0,20 KM/kg.

Za ostvarivanje prava na podršku korisnik kantonalnom ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Lista korištenja sa upisanim zasadam maline/ kupine,
3. Ovjerenu kopiju ugovora sa otkupljivačem/prerađivačem,
4. Dokaz o predatoj količini, minimalno 700 kg plodova (otpremnic ili paragon blok ili potvrdu od strane otkupljivača/prerađivača),
5. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 15.09.2015. godine.**

## **X PROIZVODNJA PLANTAŽNE BOROVNICE**

Podršku za proizvodnju plantažne borovnice mogu ostvariti proizvođači plantažne borovnice čije se parcele nalaze na području Zeničko-dobojskog kantona i imaju sklopljen ugovor sa otkupljivačem/prerađivačem na području FBiH. Podrška za proizvođače plantažne borovnice iznosi 0,30 KM/kg.

Za ostvarivanje prava na podršku korisnik kantonalnom ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Lista korištenja sa upisanim zasadam plantažne borovnice,
3. Ovjerenu kopiju ugovora sa otkupljivačem/prerađivačem,
4. Dokaz o predatoj količini plodova (otpremnic ili paragon blok ili potvrdu od strane otkupljivača/prerađivača),
5. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

## XI PROIZVODNJA GLJIVA (ŠAMPINJONI I BUKOVAČA)

Premiraju se privredna društva i proizvođači koji su proizvodnju gljiva registrovali kao osnovnu djelatnost sa 10,00 KM/t za kupljeni komposta, a nabave minimalno 10 tona komposta i ispunjavaju i druge uslove propisane Uputstvom. Maksimalan iznos podrške po jednom subjektu je 25.000,00 KM.

Za ostvarivanje prava na podršku korisnik kantonalnog ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Dokument kojim potvrđuje da je registrovan za navedenu djelatnost,
3. Porezne fakture o nabavci supstrata, član 107 Pravilnika o primjeni zakona o porezu na dodatu vrijednost („Službeni glasnik B iH“ broj 93/05),
4. Za uvezeni supstrat dostavlja se uz račun i carinska deklaracija,
5. Uvjerenje o izmirenim poreskim obavezama (ne starije od 30 dana),
6. Potvrda banke o otvorenom računu.

Poljoprivredna stručna služba će provjeriti priloženu dokumentaciju i na terenu provjeriti proizvodne kapacitete.

**Zahtjevi sa dokumentacijom dostavljaju se na protokol Zeničko-dobojskog kantona do 30.10.2015. godine.**

## XII PROIZVODNJA MERKANTILNOG KROMPIRA

Premira se proizvodnja merkantilnog krompira sa 600,00 KM/ha, kod proizvođača koji su zasnovali proizvodnju.

Pravo na premiju mogu ostvariti samo proizvođači koji imaju zasijanu površinu veću od 0,5 ha.

Za ostvarivanje prava na podršku korisnik kantonalnog ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica),
3. Fiskalni račun sa poreznom fakturom o nabavci sjemenskog krompira,
4. Uvjerenje o izmirenim poreskim obavezama (ne starije od 30 dana),
5. Kopija katastarskog plana i posjedovni list odnosno Ugovor o zakupu zemljišta (sa kopijom katastarskog plana i posjedovnim listom),
6. Potvrdu banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

Poljoprivredna stručna služba će provjeriti priloženu dokumentaciju i na terenu zapisnički konstatovati proizvodnju.

**XIII**  
**ZASNIVANJE NOVIH ZASADA MALINE, KUPINE, AMERIČKE BOROVNICE,  
ARONIJE, BRUSNICE, RIBIZLE I VINOVE LOZE**

Podršku za zasnivanje zasada maline mogu ostvariti uzgajivači maline čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad maline zasnovali na parceli pod ugovorom o zakupu zemljišta sklopljen najmanje na 10 godina. Iznos podrške je 3.000,00 KM/ha .

Za ostvarivanje prava na podršku korisnik kantonalnog ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Lista korištenja sa upisanim voćnim zasadam, izdata od općinske službe prema mjestu prebivališta (fizička lica) ili prema sjedištu (pravna lica); sadnja obavljena na zasebnim parcelama minimalne površine 0,1 hektar;
3. Uvjerenje o izmirenim poreskim obavezama-za pravne subjekte (ne starije od 30 dana)
4. Račun o nabavci sadnog materijala(ovjeren, na ime kupca) izdati u periodu od oktobra 2014. godine do maja 2015. godine,
  - o *minimalan broj zasađenih sadnica maline je: 8.000 (sorte Miker) do 12.000/hektaru(sorte Willamet), kupine 2.000, borovnice 2.000/hektaru, 2.000 aronije/hektaru, 24.000 brusnice/hektaru, 4.000 ribizle/hektaru i 4.500 vinove loze/hektaru;*
5. Certifikati o kvalitetu i zdravstvenoj ispravnosti (ovjeren pečatom rasadnika),
6. 4 različite fotografije zasada,
7. Potvrda banke o otvorenom računu.

Poljoprivredna stručna služba će metodom slučajnog uzorka obaviti uvid na terenu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

**XIV**  
**ZASNIVANJE NOVIH ZASADA VOĆA (VISOKOSTABLAŠICA)**

Podršku za zasnivanje višegodišnjih zasada voća mogu ostvariti uzgajivači voća čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad voća zasnovali na parceli pod ugovorom o zakupu zemljišta sklopljen najmanje na 20 godina.

Iznos podrške je 3.000,00 KM/ha za poluintenzivne zasade i 5.000,00 KM za intenzivne zasade voća površine od 0,2 do 0,5 hektar.

Za ostvarivanje prava na podršku korisnik kantonalnog ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev, taksiran sa 3KM kantonalne administrativne takse,
2. Lista korištenja sa upisanim voćnim zasadam izdata od općinske službe prema mjestu prebivališta (fizička lica) ili prema sjedištu (pravna lica), sadnja obavljena na zasebnim parcelama minimalne površine 0,2 hektar;

3. Uvjerenje o izmirenim poreskim obavezama za pravna lica (ne starije od 30 dana),
4. Račun o nabavci sadnog materijala (ovjeren, na ime kupca), izdati u periodu od oktobra 2014. godine do maja 2015. godine,  
*minimalan broj zasađenih sadnica:*
  - *poluintenzivni zasadi: jabuke 1.000/ha, kruške 1.000/ha, šljive 500/ha, trešnja 500/ha, višnje 1.200/ha, breskve 500/ha, kajsije 500/ha, lijeska 500/ha, 150/ha kesten i 200/ha orah;*
  - *intenzivni zasadi: jabuke 2.000/ha, kruške 1.500/ha, šljive 1.000/ha, trešnja 700/ha, višnje 1.500/ha, breskve 700/ha, kajsije 700/ha, lijeska 700/ha, 250/ha kesten i 300/ha orah.*
5. Certifikati o kvalitetu i zdravstvenoj ispravnosti (ovjeren pečatom rasadnika),
6. Potvrda banke o otvorenom računu,
7. 4 različite fotografije zasada,

Poljoprivredna stručna služba će metodom slučajnog uzorka obaviti uvid na terenu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

#### **B/1 PODRŠKA PRERAĐIVAČIMA**

### **XV**

#### **PODRŠKA PRERAĐIVAČIMA MLIJEKA SA PODRUČJA ZE-DO KANTONA**

Pravo na podršku imaju samo pravna lica (prerađivači mlijeka) sa područja Zeničko-dobojskog kantona, koji imaju kooperante sa istog područja i koji ostvaruju federalnu premiju za mlijeko.

Podrška iznosi 0,02 KM/litru otkupljenog mlijeka u tekućoj godini, kao i za mjesec oktobar, novembar i decembar prethodne godine. Obračunava se na temelju količine mlijeka za koju je sačinjen obračun premija iz budžeta Federacije Bosne i Hercegovine za kooperante mljekare.

Za ostvarivanje prava na podršku korisnik kantonalnog ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Kopija rješenja za obavljanje prerade mlijeka,
3. Uvjerenje o izmirenim poreskim obavezama za predhodnu godinu,
4. Potvrdu banke o otvorenom računu.

**Zahtjevi se predaju putem protokola Zeničko-dobojskog kantona najkasnije do 30.10.2015. godine.**

### **XVI**

#### **PODRŠKA PRERAĐIVAČIMA PILEĆEG MESA**

Pravo na podršku imaju samo pravna lica sa područja Zeničko-dobojskog kantona registrovana za djelatnosti u proizvodnji brojlerskog mesa. Podrška se ostvaruje na otkupljene količine brojlera do 31.8.2015.godine od kooperanata sa područja Zeničko-dobojskog kantona, preračunate u kilograme žive vage, a iznosi 0,10 KM/kg žive vage, maksimalno se potiče 300.000 kg po jednom subjektu.

Za ostvarivanje prava na podršku korisnik kantonalnog ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica),
3. Kopije ugovora sa kooperantima,
4. Kopiju dokumenta kojim se potvrđuje ulaz (otkup) brojlera,
5. Tabela pregled sa spiskom kooperanata i otkupljenim količinama brojlera,
6. Kopija rješenja o registraciji pravnog lica za obavljanje djelatnosti u proizvodnji brojlerskog mesa,
7. Uvjerenje o izmirenim poreskim obavezama (ne starije od 30 dana).
8. Potvrdu banke o otvorenom računu

**Zahtjevi se predaju putem protokola Zeničko-dobojskog kantona do 30.09.2015. godine**

## **B/2 PODRŠKA OTKUPLJIVAČIMA**

### **XVII**

#### **PODRŠKA OTKUPLJIVAČIMA ZA OTKUP SVJEŽEG KRAVLJEG MLIJEKA**

Podrška za organizovani otkup svježeg mlijeka od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca - prerađivača.

Podrška iznosi 0,02 KM/litru otkupljenog mlijeka za koji je sačinjen obračun premije za mlijeko iz budžeta Federacije Bosne i Hercegovine za tekuću godinu, kao i mjesece: oktobar, novembar i decembar prethodne godine.

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Ugovor sa prerađivačem,
3. Kopiju rješenja o registraciji za navedenu djelatnost,
4. Kopiju dokumenta kojim se potvrđuje isporuka mlijeka prerađivaču,
5. Uvjerenje o izmirenim poreskim obavezama za predhodnu godinu,
6. Potvrdu banke o otvorenom aktivnom računu.

**Zahtjevi se predaju putem protokola Zeničko-dobojskog kantona najkasnije do 30.10.2015. godine.**

### **XVIII**

#### **PODRŠKA OTKUPLJIVAČIMA SVJEŽEG VOĆA I POVRĆA**

Premiraju se registrovani otkupljivači voća i povrća (izuzev jagodičastog voća) sa 0,04 KM/kg, a maksimalan iznos podrške po jednom subjektu iznosi 20.000,00 KM.

Uslovi koje mora ispuniti kandidat za novčanu podršku za otkup voća i/ili povrća:

- Da je registrovan za navedenu djelatnost;
- Da imaju ugovor sa kooperantima sa područja Zeničko-dobojskog kantona koji sadrži:
  - Prezime i ime poljoprivrednog proizvođača,
  - Jedinstveni matični broj poljoprivrednog proizvođača,
  - Vrstu voća i/ili povrća za koju se ugovara otkup,
- Da ispunjavaju i druge uslove propisane Uputstvom.

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3 KM kantonalne administrativne takse
2. Kopiju Rješenja o registraciji za navedenu djelatnost,
3. Potvrda o upisu u Registar poljoprivrednih gazdinstava od općinske službe prema mjestu prebivališta (pravna lica),
4. Dokaz o razvrstavanju za navedenu djelatnost (služba za statistiku) ,
5. Ovjereni primjerak Otkupnog lista (ovjeren vlastitim pečatom),
6. Ugovor sa poljoprivrednim proizvođačem,
7. Uvjerenje o izmirenim poreskim obavezama (ne starije od 30 dana),
8. Potvrdu banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 30.10.2015. godine.**

#### **XIX PODRŠKA OTKUPLJIVAČIMA JAGODIČASTOG VOĆA**

Novčana podrška za organizovani otkup jagodičastog voća od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Iznos podrške za otkup jagodičastog voća je 0,05 KM/kg otkupljenog jagodičastog voća. Maksimalan iznos podrške po jednom subjektu iznosi 10.000 KM. Klijenti koji podnesu zahtjev za ovu podršku ne mogu podnijeti zahtjev za premiju otkup i zamrzavanje jagodičastog voća.

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Potvrda o upisu u Registar poljoprivrednih gazdinstava od općinske službe prema mjestu prebivališta (pravna lica),
3. Kopiju Rješenja o registraciji za navedenu djelatnost,
4. Tabela prikaz otkupljenih količina po vrstama jagodičastog voća za sve poljoprivredne proizvođače,
5. Ovjereni primjerak Otkupnog lista (ovjeren vlastitim pečatom),
6. Ugovor sa poljoprivrednim proizvođačem (original ili ovjerena kopija),
7. Uvjerenje o izmirenim poreskim obavezama (ne starije od 30 dana),
8. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

#### **XX PODRŠKA OTKUPLJIVAČIMA JAGODIČASTOG VOĆA KOJI VRŠE ZAMRZAVANJE**

Novčana podrška za organizovani otkup jagodičastog voća i zamrzavanje istog od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Iznos podrške za otkup jagodičastog voća je 0,10 KM/kg otkupljenog jagodičastog voća. Maksimalna količina otkupljenog i zamrznutog jagodičastog voća koja se premira je 300.000 kg, za

sve podnosiocima zahtjeva. Klijenti koji podnesu zahtjev za ovu premiju ne mogu podnijeti zahtjev za podršku otkup jagodičastog voća.

Za ostvarivanje prava na podršku korisnik kantonalnog ministarstvu dostavlja u originalu ili ovjerenom kopiji slijedeću dokumentaciju:

1. Zahtjev taksiran sa 3 KM kantonalne administrativne takse,
2. Potvrda o upisu u Registar poljoprivrednih gazdinstava od općinske službe prema mjestu prebivališta (pravna lica),
3. Kopiju Rješenja o registraciji za navedenu djelatnost,
4. Tabelarni prikaz otkupljenih i zamrznutih količina jagodičastog voća za sve poljoprivredne proizvođače,
5. Ugovor sa otkupljivačem ili Ugovor sa poljoprivrednim proizvođačem (original ili ovjerena kopija),
6. Uvjerenje o izmirenim poreskim obavezama (ne starije od 30 dana),
7. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

## **C-KAPITALNA ULAGANJA**

### **XXI**

#### **PODRŠKA ZA NABAVKU MEHANIZACIJE ZA POLJOPRIVREDU**

Podržava se nabavka mehanizacije za poljoprivredu u iznosu do 25% vrijednosti mehanizacije (maksimalan iznos podrške je do 5.000 KM), što poljoprivredni proizvođač dokazuje računima o kupovini koja je obavljena u periodu od 01. 10. 2014. do 30. 06. 2015. godine.

Pravo na ostvarivanje podrške imaju kandidati (fizička lica ) koji nabave novi traktor, silažni kombajn ( samohodni , nošeni ili vučeni). Mehanizacija koja je nabavljena na lizing, polovna ili putem komisije prodaje neće se uzimati u razmatranje i zahtjev će biti odbijen.

Za ostvarivanje prava na podršku korisnik kantonalnog ministarstvu dostavlja u originalu ili ovjerenom kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica),
3. Porezna faktura o nabavci mehanizacije, član 107 Pravilnika o primjeni zakona o porezu na dodatu vrijednost („Službeni glasnik B iH“ broj 93/05, 21/06 I 60/06, 6/07, 100/07, 35/08 i 65/10)),
4. Fiskalni račun o nabavci mehanizacije,
5. Uvjerenje o izmirenim poreskim obavezama (ne starije od 30 dana),
6. Ovjerena izjava podnosioca zahtjeva da nabavljena mehanizacija neće biti prodana ili otuđena u periodu od 5 godina od trenutka dobijanja poticaja,
7. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

## XXII PODRŠKA ZA NABAVKU PLASTENIKA

Podržava se nabavka novih plastenika sa 6 KM/m<sup>2</sup>, nabavljenih od registrovanih proizvođača plastenika sa područja ZE-DO kantona.

Uslovi koje mora ispuniti kandidat za novčanu podršku za nabavku plastenika:

- obavljaju samostalnu poljoprivrednu djelatnost kao osnovno zanimanje (registrovani po zakonu o obrtu),
- kupe i instaliraju plastenike minimalne površine 100 m<sup>2</sup>, a maksimalne 500 m<sup>2</sup>,
- ispunjavaju i druge uslove propisane Uputstvom.

Za ostvarivanje prava na podršku korisnik kantonalnog ministarstvu dostavlja u originalu ili ovjerenj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Fiskalni račun,
3. Poresku fakturu izdatu prema članu 107. Pravilnika o primjeni zakona o porezu na dodatu vrijednost ("Službeni glasnik BiH", br: 93/05, 21/06 I 60/06, 6/07, 100/07, 35/08 i 65/10),
4. Uvjerenje nadležne općinske službe da stranka trenutno obavlja samostalnu poljoprivrednu djelatnost,
5. Potvrda o registraciji samostalne poljoprivredne djelatnosti kao osnovne djelatnosti, registrovano po zakonu o obrtu (Rješenje nadležne općinske službe),
6. Uvjerenje o izmirenim poreskim obavezama (ne starije od 30 dana),
7. Potvrda banke o otvorenom računa.

**Zahtjevi sa dokumentacijom dostavljaju se na protokol Zeničko-dobojskog kantona do 30.09.2015. godine.**

Poljoprivredna stručna služba će provjeriti priloženu dokumentaciju, registar poljoprivrednih gazdinstava i na terenu provjeriti površinu prijavljenih plastenika.

### **D- PODRŠKA PROJEKTIMA**

## XXIII PODRŠKA STRUČNIM SREDNJIM POLJOPRIVREDNIM ŠKOLAMA

Sa ciljem obezbjeđenja što boljih uslova za izvođenje praktične nastave potrebno je podržati škole u opremanju proizvodno-edukativnih pogona u školama koje imaju u svom programu školovanje kadrova za zanimanja u poljoprivredi. Kroz podršku razvoju infrastrukture u obrazovanju stvaramo obučene kadrove koji će na svojim farmama primjenjivati najsavremenije proizvodne i tehnološke procese u poljoprivrednoj proizvodnji.

Podrška se odnosi na:

- zasnivanje zasada voća za praktičnu obuku,
- nabavku plastenika/staklenika za praktičnu obuku u uzgoju rasada i proizvodnji povrća, cvijeća i ukrasnog bilja
- nabavka supstrata i micelija za uzgoj gljiva,
- nabavku repro materijala za realizaciju programa rada (sjeme, alat, sistemi za navodnjavanje, zaštitna sredstva, đubriva...).



Za ostvarenje prava na ovu podršku potrebno je da škole urade program sa troškovnikom u kome je detaljno predstavljen plan nabavke i vremenski okvir za realizaciju programa.

Uz zahtjev za podršku škole dostavljaju:

1. Program i troškovnik
2. Plan realizacije programa

**Zahtjevi sa dokumentacijom dostavljaju se na protokol Zeničko-dobojskog kantona do 01.09.2015. godine.**

#### XXIV PODRŠKA ZA UJEDNAČEN RAZVOJ POLJOPRIVREDE NA PODRUČJU ZENIČKO-DOBOJSKOG KANTONA

Sa ciljem ravnomjernijeg razvoja poljoprivrede na cijelom području Zeničko-dobojskog kantona u 2015. godine sredstva će se odobravati za projekte koji će omogućiti zapošljavanje, samozapošljavanje i unapređenje uslova poslovanja za poljoprivredne proizvođače. Poljoprivredne zadruge, preduzeća registrovana za obavljanje poljoprivredne djelatnosti, inividualni poljoprivredni proizvođači koji su registrovani po zakonu o obrtu (osnovna djelatnost), općine putem službi nadležnih za poljoprivredu i razvojne agencije mogu dostavljati projekte iz ovih oblasti:

- uspostava repro centara (povrće i voće),
- realizaciju projekata u biljnoj proizvodnji koji nisu obuhvaćeni Programom, a značajni su za primarnu biljnu proizvodnju
- realizaciju projekata kojima se proširuje postojeća proizvodnja ili se poboljšavaju uslovi plasmana poljoprivrednih proizvoda,
- realizaciju projekata koji obuhvataju organizaciju i otkup poljoprivrednih proizvoda u biljnoj proizvodnji,
- podizanje farmi i unapređenje otkupa mlijeka,
- otkupne stanice za voće i povrće.

Ocjenu projekta vršit će Poljoprivredna stručna služba i Uzgojna selekcijska služba Ministarstva za poljoprivredu, šumarstvo i vodoprivredu Zeničko-dobojskog kantona. Projekti moraju sadržavati troškovnik u kome su navedena vlastita ulaganja (vlastita sredstva, krediti, drugi izvori finansiranja) i ulaganja koja se očekuju od strane institucija (općine, ministarstvo). Iz sufinansiranja se izuzimaju građevinski radovi, troškovi građevinskog materijala, troškovi dokumentacije i konsultantskih usluga.

Općine i razvojne agencije uz zahtjev dostavljaju Projekat koji sadrži troškovnik u kome su navedena vlastita ulaganja i ulaganja koja se očekuju od strane institucije sa imenima poljoprivrednih proizvođača kod kojih se implementira Projekat.

Za ostvarivanje prava na podršku poljoprivredne zadruge, pravni subjekti za obavljanje poljoprivredne djelatnosti i poljoprivredni proizvođači registrovani po Zakonu o obrtu (osnovna djelatnost), kantonalnom ministarstvu dostavlja u originalu ili ovjerenoj kopiji slijedeću dokumentaciju:

1. Zahtjev taksiran sa 3KM kantonalne administrativne takse,
2. Kopiju Rješenja o registraciji za navedenu djelatnost,
3. Projekat,
4. Uvjerenje o izmirenim poreskim obavezama (ne starije od 30 dana),

5. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica),
6. Potvrda banke o otvorenom računu.

**Zahtjevi sa dokumentacijom dostavljaju se na protokol Zeničko-dobojskog kantona do 15.07.2015. godine.**

## **XXV FINANSIRANJE SAJMOVA I IZLOŽBI**

Planirano je sufinansiranje izložbenih sajmovskih manifestacija na području Zeničko-dobojskog kantona.

## **XXVI FINANSIRANJE I ŠTAMPANJE EDUKATIVNOG I PROPAGANDNOG MATERIJALA IZ OBLASTI POLJOPRIVREDE TE NABAVKA REPROMATERIJALA ZA IZVJEŠTAJNO PROGNOZNU SLUŽBU**

U cilju što efikasnijeg informisanja poljoprivrednih proizvođača o poticajima iz Programa poticaja za 2015.godinu, predstavljanja istaknutih poljoprivrednih subjekata sa područja ZE-DO kantona, štampanje letaka oko prepoznavanju alergeni biljaka (ambrozija) i nabavke repromaterijala (lovne klopke, feromoni, i dr.).

### **D-REZERVA**

Sredstva rezervi koristiti će se za hitne i nepredviđene izdatke koji se pojave tokom budžetske godine.

Kriteriji na osnovu kojih Ministarstvo razmatra vanredne zahtjeve i predlaže Vladi donošenjem zaključaka o odobravanju sredstava iz ove stavke su slijedeći:

1. Da se radi o naknadnim i nepredviđenim aktivnostima vezanim za primarnu poljoprivrednu proizvodnju, a koji nisu definisani u okviru Programa i Uputstva.
2. Da se radi o sufinansiranju projekata od interesa za Kanton i/ili općinu, a za koje su sredstva obezbijeđena iz drugih izvora, a za čiji je završetak neophodno obezbijediti dodatna sredstva koja nisu planirana Programom.

## **XXVII**

Ovo Uputstvo stupa na snagu danom objavljivanja na web stranici Zeničko-dobojskog kantona, a primjenjivat će se na poticaje poljoprivrednih proizvodnji za 2015. godinu i primjenjivat će se od dana objavljivanja do 31. 12. 2015. godine.

## **XXVIII**

Danom stupanja na snagu ovog Uputstva prestaje da važi Uputstvo broj: 05-24-19667-1/14.

Broj: \_\_\_\_\_

**MINISTAR**

Datum: \_\_\_\_\_ 2015.godine

*Himzo Smajić*

# 3 KM kantonalne takse



## ZAHTEV za ostvarivanje prava na poticaje za biljnu proizvodnju

Kantonalni poticaji													
Općina													
Prezime i ime													
Naziv pravnog lica													
JMBG/ID broj													
Adresa stanovanja													
Kontakt telefon													
Broj RPG													
Broj RK													
Vrsta proizvodnje za koju se kandiduje													
Ratarska													
Voćarska													
Prerada													
Stvaranje ujednačenog razvoja u poljoprivrede													
Kapitalna ulaganja(nabavka)													
Površina													
Predata količina													
Podaci o računu korisnika poticaja													
Naziv i sjedište banke													
Transakcijski račun													
Žiro račun													
Priložena dokumentacija:	1.												
	2.												
	3.												
	4.												
	5.												
	6.												
	7.												
	8.												
	9.												
	10.												
Broj lične/osobne karte odgovornog lica:							Vlastoručni potpis podnosioca zahtjeva:						

\*Zahtjev se taksira sa 3 KM (tri KM) kantonalne takse

# 3 KM kantonalne takse



## ZAH T J E V za ostvarivanje prava na poticaje za animalnu proizvodnju

Kantonalni poticaji													
Općina													
Prezime i ime													
Naziv pravnog lica													
JMBG/ID broj													
Adresa stanovanja													
Kontakt telefon													
Broj RPG													
Broj RK													
Vrsta proizvodnje za koju se kandiduje, kratak opis													
Govedarstvo													
Svinjogojstvo													
Ovčarstvo i kozarstvo													
Peradarstvo													
Stvaranje ujednačenog razvoja u poljoprivredi													
Prerada i otkup mlijeka													
Podaci o računu korisnika poticaja													
Naziv i sjedište banke													
Transakcijski račun													
Žiro račun													
Priložena dokumentacija:	1.												
	2.												
	3.												
	4.												
	5.												
	6.												
	7.												
	8.												
	9.												
	10.												
Broj lične/osobne karte:						Vlastoručni potpis podnosioca zahtjeva:							

\*Zahtjev se taksira sa 3 KM (tri KM) kantonalne takse.